

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 52 || No. 05

May, 2016



Editor: Rev. Tualzachin

Khristian Tangkou

Vol. No. 52 || Issue No. 5 || May, 2016

Editorial Board

Editor : Rev. Tualzachin - 9862829526

Joint Editor : Rev. Stephen Chinzathang
- 9863042789
ct_stephen@yahoo.com

Cir. Manager : Upa Jamsianmung - 9862086615
sianmung@rediffmail.com

Bus. Manager : Kamgenpau - 8974612937
Sye T. Ginzahau - 8974438842

Cont. Editors : Upa S. K. Khama - 9856406454
Rev. Awnkhankhup - 9862828921
Rev. M. G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- Moderator:
Rev. Khupkhansuan
- Moderator Elect:
Rev. Mangsuanthang
- Secretary (Sr):
Upa T. C. Pau
- Secretary (Jr):
Upa Sianzahau
- Treasurer:
Upa T. Lamkothawng
- Statistician:
Upa Kapkhanthang
- Executive Secretaries:
Rev. Tualzachin
Rev. Stephen Chinzathang

A sung thu

- Editorial..... 01
- Thu tuomtuom 03
- Reports 06
- Kipah thu genna 09
- Koi nasem nahiei 11
- Huon 15
- ZPWF Column 20
- Suunna..... 23

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

Published by The Zou Presbyterian Church Synod, Zomi Colony, Churachandpur, Manipur-795128

Editorial

Amasa'n Pasion hoina leh kepbitna toh May haa tan Anna isep bante khawmai lou a ginna toh kumkim tan meel muthei ding a lametna lienpi toh hing mapuitu Mangpa min loup i phat leh pahtawi kawm in ipawlpi thatang in local china Ama hattuomte deisahna chibai ka hing buh hi.

Tuha sungin Hattuom ten bawzui ding Zou Synod Year Planner umsa bangin Nipoimaw (2) inei uhi. Tamte Pasion hagau pawlna toh amanpha theipen leh lawh tah a zang chiet dingin deisahna sangpen ka hing laan hi. I laisiengthou pansan dingin Romete 10:14-15 ah envai “Miten Ama a gintat sih uh leh bang achi thum thei ta nanuh dingui....? Tuachieng in thu a ki gen sih leh bang achi ngaikhiet thei tadi uoi....? Thugentu sawl ahi sih leh bang chin thu akigen ta diei....? Khantanhoi thugente kalsuon khu kilawm valien me izaw chin laisiengthou in gen hi”

Khantan vah hing lutdan: Rev. F.W. Savidge leh Rev. J.H. Lorraine in January 11, 1894 in Aizawl hing lut uhi. Rev. Willian Patigrew in February 06, 1894 in Manipur hing lut uhi. Rev. Watkin Robert February 05, 1910 in Manipur South District Senvon khuo ah hing lut uhi. Tualeh Aizawl a laisim a um Pu Thangkai leh Pu Lungpaute makaina in Watkin Robert ten March habul 1910 in Senvon khuo ah hing tung uhi. Kile kia pai in Varvek a agieh zan un Pu Thangkai leh Pu Lungpaute Pasion thu awi in kipie uhi. Hakhat sung in team work masa in mi (3) ban ah Sekul naupang thum zawpi in ang kuon kia ua, May 07, 2010 in Senvon khuo ang tung uhi. Khumi pen ei Khristiante a dingin

Nipoimaw penpen Missionary Day chiin tunitan in kijang hi. Sevon munpen Khantanhoi (Gospel) tun masahna mun hinanleh nnasep (Ministry) munpi ding Khawnzar atelzaw ta uhi. Ahun leh amun zil in Head Quarter munding Mission Compound a hing hita hi. India gam ah haam 1652 um lah ah ama uh haam a Bible nei 300 pha nailou hi. Biehinnei nei nailou lakh 3 sanga tamzaw um nalai hi. Khantanhoi (Gospel za nailou mi Crore 55 sang a tamzaw um nalai hi. Aizawl khopiten 1994 in agam ua Khantanhoi (Gospel) a tunna akum zakhat chinna Gospel Centenary chia min vaw in Pasian kunga lungdam thu genna toh ana lawm ta uhi. Tualeh ei Southern Manipur ah Kum 2010 in Khantanhoi vah hing lutna a kum (100) chinna Gospel Centenary chia minvaw in Pasian kungah lungdamthu genna leh Ama thupina pekawm in ama min phat leh pahtawina toh hun kijang hi.

Khantanhoi vah nasepte

- (a) Mite pilsah a,
- (b) Changkangsah a,
- (c) Mi pichingsah a,
- (d) Midangte itna neisah a
- (e) Mi panpi utna neisah a,
- (f) Mi nunnemsah a,
- (g) Mi thuohzawna pethei a,
- (h) Mi siengthousah a,
- (i) Mi dihtatsah ban ah
- (j) Mi lawchingsah thei hi.

Laisiengthou na simbe nuom leh Nas. 16:9, Isai 52:27, Mak 16:15. Mangpa'n athu hing guolzawl taken, Amen.



THU TUOMTUOM

leh THUMPI DINGTE

01. Pasion hoina leh mapuina tang touzel in May ha tan chidam a meel hing musahtu a vanglien Mangpa kungah thupina, lalnate tengteng ipemasa uhi. Mihingte ngaituo ah ahimawng dan a ngaituona um khazel a, hinanleh Mangpa hoina zieh ahi chi manghilsih vaui.
02. Pasion hagau pawlna toh tuha sung a Hattuumte nipoimaw te lawching tah leh loh taha man ahitheina din thumna toh bawzui chiet vaui

Ni poimawte
 - i) Missionary day - May 07, 2016
 - ii) Pentecost day - May 15, 2016
 - iii) Kumkim Nipi sang laivuonna - May 27, 2016
03. Pastor Interview Result: Pasion in ipawlpi hing mapui zel in a (12) vei Zou Synod vaihawmna thuphasah umsa bangin dated 5th April 2016 niin ZPCS Pastoral Committee ten bawzuina nei in Pastoral Ministry a sem ding mi (2) a ma uh tahsa ngei tel in interview neisah uhi. Tehna teng a te leh etkhiet ahinua in kituoh tah a lah ahi. Amauh te:

- | | Min | Pamin | Siemna | Hattuum |
|----|-----------------|-----------------|-----------|------------|
| 1. | Pa Khupsianlal | Upa Khamzathang | B.A, B.D | Tuibuang |
| 2. | Tv. Kamminthang | Upa Nengkhogin | B.th. B.D | New Zoveng |

Amaban kalsuon na ding uh tahsa, hagau a ang lawching na ding thumna toh bawzui chiet vai.

04. Bangaluru Upa telna Result: Apeisa April 03, 2016 niin Presbytery thanei na leh phalsahna toh Bangaluru Hattuum ah Upa telna nei ahia, Pasian mapuina toh lawchingtah in Pa Kaiminlun s/o Pu Liankhanthang tel ching ahi. Amaban lampeina ding ama leh a inn sung mite adin ana thumsah zing vaui.
05. PCI General Assembly dated 27th April - 1st May 2016 sung dai in PCI General Assembly Presbyterian Church Mawsynram ah um hi. Theme: “The Gospel Transforming Power” chi ahi.
06. Lungdampina leh thumsahna: Ph. D Lukhuh pieh in um: Local paper a imu bang un Pasian hoina leh mapuina toh Mr. Khuplienlam s/o Phamsa Kaichinkhai Simveng (South point) aumin Kobe design university (Japan) nuoi ah Doctor of Design Ph.D in Architecture ah 90% mu in zou a tami tittle pieh in um hi. Ph.D azil sung in gam tuomtuom ah competition in vatel a kipahman zong tam khop ana sang tahi. Tuamai hilou in India ai-awh in technical line ah selection ana mupha hi. Thupina zousie Mangpa’n tang hen!
07. Tuha Missionary day ahi natoh kiton in gammiel a Pasian nna isepna Paspasi Field, Mangjing Field leh Missing Tribe te ah khodah in thumna toh panla tha lei Pasian in ithumnate

guohsuoh lou in ga tampi hing musah ding ahi. Thum in!
Thum in!

08. Ingahla mama uh i Zou Holy Bible uh BSI te deisahna toh a kinthei lam a sutkhiet leh zaw ahitheina dingin thumna toh tatlou/khollou in ana thum chiet vaui. Sil bangkim bawltheitu Mangpa ahi ngal a
09. I gam sung leh Nam a ding a committee poimaw tahinei (Zou Literatur Society) leh Zou Christian Musical Committee) Committee member poimawtah ineite a dingin nichin leh hunchin a na thumzing vaui. Ama uh te hing hat leh lailam leh phatna la lam ah imasawwna uh hing hi ding ahi chi manghil sih vaui.
10. I pawlpi sunga Solfa siem na nei Hattuum china lapuituten pawlpi itna toh a theina/siemna te uh kiphalzaw sem leh kukal zawsem a Pasian phatna leh pahtawina ang zah theina dingun Hattuum leh mimal chinin thumna toh bawzui in thei chiet vaui.
11. ZPYF Diamond Jubilee: Pasian hoina leh mapuina muongkawm in ang tung ding kum 2017 chieng in nei ding uhi. Khum toh kisai in Khanglaiten Pasian nasepna pipen banga geel in unit china Holy Bible pumpi simsuohna leh gelsuoha kitaidemna pei lellel hi. Tualeh fund rise na kawm in Diamond Jubilee T. Shirt zuoh lellel uhi. Thumkawm kawm in leisah vai.

.....

.....

Reports

CENTRAL CHURCH, ZPCS Mission Nasepna Report

*Mr. Tuallianmang,
Secretary LCC,
Central Church ZPCS*

MASSA in Central Church, ZPCS hattuum tungtawn a gammiel
nasepna report tomkim bawlthei ding a i um ziehin Pasian min
i phat ahi.

Central Church, ZPCS Hattuum in kum 2015 Local Session
thupuosah dungzui in ginglou mite lah luonkhiet a khantanhoi
phuonzahna nasep hatzaw a sep aki lunggul man in thuumkawm
in pan na kilatou zel a, tuachin Pasian in thumnate hing dawng
in nainoukhat, Imphal City area sung a ginglou mite lah a dinga
chouna ang umtah ziehin Local Mission Board tungtawn in tua
mun a nasep dingdan leh panlahna ding geltou in hing umtheita hi.

Tuachin Imphal City area a ginglou mite lah a nasepna ding
lampi hing kihong touzel a, asemtu ding zong suina kineitou in
Local Mission Board in tuami mun a ginglou mite lah a nasem ding
hatna bawl in Interview zong sai ahia, tuachin Pasian in tuami mun
lah a Missionary a ama mimal a na kizang sa Mrs. Irengbam Devi
w/o Mr. Ranjit Irengbam of Konung Mamang, Imphal East District
hing pie in March 1, 2015 (Pasianni) in Central Church biehinn ah
Mrs. Irengbam Devi khu Imphal City area sung a Missionary ding
a nagotna (Installation Service) Rev. Khamchinkhai, Biel Pastor,
Central District in ana neita hi.

Ama khu Manipur a Nepali Christian masapente laha khat (L) Damar Bhadur tunu ahia, a pienna Pa leh Nu ahileh Mr. Bhim Dahadur leh Mrs. Goumati Bahadur ahi. Turi Bari, West Kangpokpi, Sadar Hills, Senapati District, Manipur a na khanglien ahi hi. Apasal Ranjit Irengbam ahileh Cachari Meitei, Silchar lam mi ahia Mrs. Devi zal a Khristian hing suoh ahi hi. Aman Imphal khawpi sung leh a kimvel ah Missionary tuomtuomte toh kithuo in athei khamkham in Jesu Khrist khantanhohi ana tangkoupai hi. Tuithaphai Presbytery etkolna nuoi a Hindi Service ah ana kikhawm zel in Mr. Ajit Singh, Tuithaphai Presbytery te Missionary pa toh Imphal City area a gingloute lah ah Pasian in na ana semsah masa hi.

Tuachin hunte hing peizel in Hattuum miten zong thuumna toh pan nasatah in kila touzel a, tualeh Missionary nu zong a theitawp in Khantanhohi phuonzahna ah guntutah in pangtou den hi. Kum 2016 Local Session in Hattuum sung mama apat khanglai a mimal a Pasian hatna tang a YWAM tungtawn a Missionary dia na kuon mi 2; Tv. Reuben Lianhaulun s/o (L) Pa Khamzalian leh Nh. Lallawmsangi d/o (L) Pa Selchinlian te zong local in chawmtou dinga pha asah dungzui in tun Pasian hatna zaal in Hattuum in Missionary 3 kichawm theita hi. Tulaitah in Tv. Reuben Lianhaulun in Dehradun Hindu aea ah semlel a, tualeh Nh. Lallawmsangi in zong Dehradun mun ma ah sem lel hi.

Thumna sangpa Pasian in Hattuumte thuumnate hing dawng in ginglou mite lah a i nasepnate hing pui zel a, Jesu Khrist Mang leh Hundampa a pom a Khrist nungzui ding a hing kipe tha, Imphal Area apat mi 5 (Numei 3 leh Pasal 2) apeisa March 25, 2016 Good Friday ni in Central Church Biehinn ah Rev. Khamchinkhai, Central District Beltu Pastor in Baptisma bawlta hi. Mangpa'n thupina zousie tangta hen, Gingtha Baptisma bawl a um teng ahileh tam an nuoi a te ahi uhi.

1. Mrs. Mani w/o Tombi, Chairen, Bishnupur District
2. Mr. Brojen Thokchom s/o (L) Ranjit, Konung Mamang, Imphal East District
3. Mr. Rakesh, s/o Yengkhom Yaima, Mahabali, Imphal East
4. Mrs. Thaba, w/o Yengkhom Yaima, Mahabali, Imphal East
5. Mrs. Mema, w/o (L) Ranjit Thokchom, Konung Mamang, Imphal East District

I Mangpa Jesu hing thupieh leh lam-etna banga maban a gingloute lah a Khantanhohi phuonzahna sem ahi theina dinga tusang a hatzawsem a panla tou thei zel dingin Hattuum ten hanchiem in, thuumna toh delzui zel va ui.

REVIVAL-CUM-CRUSADE REPORT

Pasian umpina leh mapuina toh Lamka District (MGP) lamkaite vaisaina nuoi ah, District apat khochin peikhawm in Lailam Veng Presbyterian Church ah dated 15th-17th April 2016 ‘Revival-Cum-Crusade’ Thupi: “Tui leh Hagau a na pientha ding ahi” chi thupi zangin Rev. Hangpi Manlun Biel Pastor in zang in khochin apat mi hunkhop peikhawm in halthana thupi tah tun in, mi tampi in kimuthana (Jesu hundampa) a sangin hunzah ahinuo in, ahun dated 18th April 2016 nitah belap ahia, District Chairman in Upa Chinthawng in gingu hinkhuo thupi zang in thugenna nei in khietla huoitah in Crusade khah hita hi.

Reported by:

- Local Secretary, Lailam Veng

.....

KIPATHU GENNA

Amasan damna leh hunpha hing petu Pasion kungah nuomthu tung ta hen. Zou Presbyterian Church Bengaluru in kum thum vel masangin two wheeler project ana kineia tam aneyate panlahna ziehin lawchin ana hi ta hi. Amaute ahileh tam aneya bang ahi:-

1. Pu G. S Haupu, MLA 60 Singngat A/C	Rs. 50,000/-
2. Lamka District PWF	Rs. 2,000/-
3. Central District PWF	Rs. 2,000/-
4. Rev Jonathan Nehlien	Rs. 1,000/-
5. Tv Alex Th Paukhanmawi	Rs. 1,000/-
6. Tv P Lalboi	Rs. 1,000/-
7. Nh Gloria Nienghoikim	Rs. 1,000/-
8. Nh Naomi Niengngailun	Rs. 1,000/-
9. Nh Niengkhanman	Rs. 1,000/-
10. Pa Hauneithang	Rs. 1,000/-
11. Pa Thongkhansiam	Rs. 1,000/-
12. Tv Paungaihthang	Rs. 1,000/-
13. Tv Ginthang	Rs. 1,000/-
14. Nh Hoilam	Rs. 1,000/-
15. Nh Bliss Munluo	Rs. 1,000/-
16. Nu Muanching	Rs. 1,000/-
17. Nh Elizabeth Manhoihniang	Rs. 1,000/-
18. Tv. Velzagin	Rs. 1,000/-
19. Nh. Debora Zou	Rs. 1,000/-
20. Pa Mc Ginlianthang	Rs. 1,000/-
21. Nh Chiindouniang(P Kamdou veng)	Rs. 1,000/-
22. Nh Nuomneihei	Rs. 500/-
23. Pa Lamkholal(Zomi Colony)	Rs. 500/-
24. Pu Chinkhenpau (D Phailian)	Rs. 500/-
25. Upa Khaizakap(Daijang)	Rs. 100/-

Tam two wheeler project a dinga sumlepai thalehzung seng tengteng mimal mal kunga kipahtu kigen seng zou lou ahiziehin tam i hattuom news uh deihuoitah Khristian Tangkou tungtawn in kipahtu ka hing gen uhi. Adiehin Pu GS Haupu Zou kipiehzawna leh akiphalna tunga kipahtu avelin ka hing gen sawnsawn kia uhi. Pasian a dinga kiphalte Pasian in manghil ngeilou hi. Mangpa'n na kipiehzawnate ziehun aletamtahin hing guolzawl sem ta uhen!

Hattuom sih leh tangin;

Sd/-Rev Jonathan Nehlian
Chairman

Sd/-Pa Thongkhansiam
Secretary

LCC, ZPC Bengaluru

.....

THUMNA MUOL AH

Dated 26th April 2016 jingmawng nai 9: in Buallian Thumna Muol ah Lamka District PWF-te panlahna toh Lai Siengthou taang poimaw mama Hebrute 9:27 Sign Board a kigiel tahkhetna nei ua, Rev. Hangpi Manlun, Bieltu Pastor leh District PWF Office Bearer-ten vanei uhi. Simtute a ding in tami Lai Siengthou kinsiemthana hing suoh taken!

Secretary
Lamka District PWF

SUHDIHNA (CORRIGENDRUM)

April Issue a Phamsa Upa P. Ginzamang Suunna thu a T. Munnuam Hattuom kem leh enkawl ding chipen Taalnuam Hattuom chi ding hizaw.

KOI NAsem na HIEI...? BANG NASEM NA HIEI...?

Text: Jonah 1: 1-9

*By Pro Pastor M. Thangboi Zou
Area Pastor, Behiang Division. MELC*

Thumapui: Amasan Tangkou simtu zousie na unsienpi un Mangpa min in chibai ka hingbawl hi. Tulai khristian mitampi koi ahi kitheilou atamtah man un tunia ithupi dingin tami ka hingtel hi.

Jonah ichi koi ahiei?

Amapen Karmel muol leh Galili tuipi kikal a Jebulun mite khopi Gath- Hephher ateng Amittai tapa ahi (2 Leengte 14: 25). Jeroboam 2na in Isrealte tunga leeng vai ahawmlai a (782-753 BC) guolnei (prophet) nasem ahi. Jonah in Mangpa Jesu Khrist toh kibahna khat anei hi, aman Nineve Jentel khopi ah thu agen a mite akisia ua hundamna amu uhi. Jesu Khrist zong Isrealte maimai a ding a hingpei ahisih a, Jentelte ding a hingpei zong ahi chi Jonah in a ensah hi.

Khristian ichi bangchi bang mite adiei?

Mikhiel ka hi, ka khelna vanga gawtmun tung ding ka hi

chi iki thei a, akhelmate kisia a Mangpa Jesu Khrist khu Mang-le-Hundampa a kisan zousie khu khristian akichi hi (Jn. 3:16-17, Eph. 2:8, Gal. 2:16, Isai. 1:18). Na nulepa khristian ahivang a nang zong khristian hilai zanglou na hi aw, Khristian ichi khu akhelna kisia a Jesu Khrist a hundampa kisan a A nuozui dia kilan khie ngamte bou khu ahi (na theisa hileh zong ngaituopha in, na din mun). Ferrer in, “Nungzui ichi chiengin Jesu Khrist thuhilte gingta a kipumpiehna a kinga in, Ama Hagau tuibang dawn in, Thu zousie a Ama (Jesu) enton a ahinkhuo zangte ahi” chin agen hi. Na Khristian hinkhuo tawh akituoh naima? Kivel pha in.

Pasian in Jonah asawlna

(1: 2-7):

Nineveh kho mite gitlouna asangta ziehin Pasian in amaute kunga kisiana thugen din Jonah asawl tahi, nanleh Jonah nuomlou in Pasian sollouna khopi dang (Tarshish) zuon in Tembawh in atuongta hi (t. 2-3). Tembawh nuoinungpen a nuomtah in ana imu zieuзуou hi (t. 5). Tulai itenna Lamka khopi sung a zong khristian tampi khelna khu khelna simnon lou phiel a gamtang akitam ta mama hi. I china san ahileh, “Khamthei bawl khu sietna lienpen in i gelchiet ua ahoi mama hi, ahinla i sum suikhietdan uh ahileh Kani leibawl, No. 4 zuoh leh khamthei tuom tuom a sum sui igam in ahau tamama hi, lamdang e maw Sum ka mu nading ahipouleh midangte a utut suohhen chi hilei kilawm, tam bangteng toh sum isui moh uhpen abawltute toh akikhietna bang e alamdanna, chinuom ihi!” Guolnei Jonah Pasian thupieh banga umlou in khopi dang zuona Tembawh

nuoinung pen a a ihmud tawh akikhietna um tuonlou ahi. Jonah Tembawh atuongna a gingloute nasan in buoina, mangbatna leh chitutna atun mawh pen lamdang e maw! Pasian mipa lah hingal! (t.6). Tunia nang sum muna ziehin innsung, khosung leh vengsung bangzatan abuo i atai chi nagel doh ngai ei? Thamlouin Meithai lou dingpi Meithai, Taga lou ding tampi taga, nu-le-pa tampi Mittui luong, khanglai tampi lampiel siengta, ahinla eima lah kibawl theisah nalai, kithupi sah nalai, mite bangma asimlou vial nalai, guoi natuoh dingkhu kipah tahir na maituoh ngam nadia maw! Na khristian hinkhuo zat kivel phan akikhel man. Bangzieha Tembawh atuongte mangbang, chitun leh beidong ahia nachi leh, Jonah tuo Tembawh ahingtuongtah chiengin Huipi in tuo Tembawhpi khu ahingmut tamai hi (t. 7).

tang. 9 nan “Kei Hebru mi ka hia, Mangpa van Pasian tuipi leh leitung siempa giing mi ka

hi' chin adong hi.

Atunga igensa mabangin
Jonah Tembawh ahingtuong
tahchiengin Huipin tuo
Tembawh ahingmut tamai a,
asung a tuong zousie koima
azaulou, achitunlou leh
amangbanglou khatbeh aum
sih uhi, tuochin Johna kungah
tami thu ahing dongta uhi.
“Nang bang nasem na hiei? Hei
a hingkipan na hiei”? achi ua,
(t.9) aman “Kei Hebru mi ka hi,
Mangpa van Pasion giing mi ka
hi” chin adawng hi. Amazieha
tambang buoina, mangbatna
leh chitutna tunglam kitheilou
louin, Tembawh nuoinungpen
a nuomsatahin ana ihmu
zieuzuou nalai mawh hi,
lamdang e maw! Khumbangma
in, tulai gingu ka hi, Khristian
dihtah ka hi kichiin, kisuongla
loukei a Nehgu, tahgu
khohsalou, thudih a vaihawm
sang a dihluu tah a vaihawm a
sum tampipi muding nuomzaw,
thutah gen khietsang a zuougen
nuomsa zaw, ki-itna thu get
sanga mite kisietna ding thugen
nuomsa, khentuom nei, sihnei
a vaihawm Jonah bang akitam

tamai hi.

Jonah Pasion mipa jie
tambang buoina thupitah atun
bangin, tulai Hattuum sunga
kibawl theisahte zieh in zong
hattuum tampin athuohlaw
ta mai uhi, Jonah Tembawh
avatung sih leh tuona mite
huchia mangbang leh chitun
lou ding uhia maw! Ahinla
ava tuongta ziehun tuobang
hing piengkhe ahi. Tambang
main, buoina, sietna enbawl sih
leizong leitung sapsietna gam
leh Setan thuneina ahiman in
tamte a um dingma ahi, ahinla
ava bawltute khu mihamsepen
ahingsuoh kia uhi. Gentenan:
Mangpa Jesu eite khelman pedia
(ashi dia) hingpei ahia, Setan
in Juda Iskariot zanga Rome
Sipaite kunga apiekhietna khu
Juda ading a hamsiet huoipen
ahingsuoh tamai hi. Tunin koi
khuo Kelham atuomtuon sih,
Hattuum chin ah mikhenkhatte,
Piengtha ka hi, Jesu nuazui ka
hi kichi un, Hattuum sum neh
chitaha Nehgu maw, Gin-um
nalah neilou, thutah kichi hei
a um e chithei khop agamtang,
zuougen lah ahidingma

bangsah, Nehgu lah tulai vai ahichia bawl teitei ding hileh kilawm agel, mi muonhuoi khen khat tamte a Mangpa nua azuina uh kimanghil khop a gamtang aum tahi. Tuomi jiehi ahi, Tembawh Huipin amut bangin Innsung, Hattuum sung leh khosung, vengsung a buoina hichia tam tam akhu! Akhenten buoina hing kipatna pen khamthei-guithei bawlte ahi chin amuda ua, langkhat a di naven, ahin tuomi dihkim suohlou ding in atung a igente theinapia kisuongla loukei a bawlte zieh zong hidin gingtat ahuoi tamai hi.

Akhupsitna: Jonah bung khat nasung a siltung zousie khu koima dangzieh hilouin, Pasian mipa Jonah thumanlou zieh ahibou hi. Tunia itenna innsung/ hattuum sung leh ikhopi sung uhzong buoina hingtungte khu hoitan kikan chien leh, Khristian passport

aneite, kisuongla na neilou kei a Nehgu tahguh khoosalou, thudih thutah avaihawm lou, khentuom nei a vaihawmte, dihlou tah a thukhente leh society sung a mihau mizong khenna neite zie hizaw din gingtat ahuoizaw tamai hi, na chisih ama! Paul in hichin agen hi, “Sil zousie enchien unlen, ahoiloute paikhia in, ahoite tudet un” (1Thess. 5:21-22) chin Thessolonica hattuumte kungah agen hi, tuomi khu Lamka khopi atengte kunga zong ahinggennan lachiet lei aut huoi hi. Itenna khopi a buoina hingtun najieh khu sildang zieh hilou in, ahina kitheilou Khristian akitamta zieh ahibou hi, hina kithei chien a Mangpa nua gin-umtah leh siengthoutah a zuite hithei chietta din, simtu zousie Mangpa ama mimal kithei chien ngeidin thupha hingpe chiet taken, chi ka thumna ahi. Lungdam ing e.

HUON

- Upa Khaichinmang
Tongdam.

Hasian in mihing asiem masat, Adam leh Evi umna ding in, khuo leh Tui asiem sih a, Eden huon asiemsah hi. Huon lailung ah “Sie leh pha” singkung akoi mabangin, eite lunglai ah “Sie leh pha” akoi hi. Damsung tomnou sung ah, na ut leh asie bawl in, na ut leh ahoi bawl in. Tam toh kisai in, Leeng lienpen tangthu ihoulim ding uhi:-

Nidanglai in, Leng lien penpen khat a um a, Huon tampi anei a, a Huon a, mawpaw ding in Namchin lamkaite ahankhawm a, akhente anuom sih a, akhente athanuom mama uhi. A thanuomte kungah Huon bawl ding in, namchin kungah mawpuohna apie a, Leng lien pen in tam bang in thu a gen hi. Huon bawl ut loute kungah huon bawl ahoidan na va gen ding uh khu na mawpuohna uh akhatna ding ahi. Anina, na Huon min ding uh nouma sie leh pha theina a, naphuoh ding uh ahi. Athumna, Haichi ahoihoinakoidinguh, natu ding uh ahi. Dai hoitah khat a na kai ding uh ahi. Huon sungah Buh

lam unlen, Buh neute zong lam unlen, daibawlte leh apanpitute, hateng in thaman ka pe ding a, kumtawn vaihawmni chiengin, daikaite hileh Buh neu a umte, nasemte, “Kumtawn pah” ka hing pe ding hi. Tua kumtawn pah ka piehte shitheï nonlou ding ahi achia, Tualeh, ka deidan sui lou a, nadei dan a na um uh leh, phuba akhang akhang in ka hing la ding hi chi, Huon kei deidan a bawlte, akhang kang in ka guolzawl ding hi achia, aleng touna ah atouta hi.

Tuachiin namchin lamkai te’n Huon min aphuh ua, akhente’n Leng lienpen deidan in aphuah ua, akhente’n amauh

minthang na din aphuah ua,
akhente'n apu apa min/anam
min pou in aphuah ta maimai
uhi

Daibawl pawl

1. *Daibawl pawl in, a Huon uh dai ahing im ta ua:*

- a) Akhente'n suong in akip
thei top in dai abawl uhi.
- b) A khente'n sie dai in
hoitah in a hing imm uhi.
- c) A khente'n guo leh sing in
a im uhi.
- d) A khente'n dai pen im va
dup ngai sih, singkang
pou koi maimai vai achi
uhi.

Buh lien/Buhneu a um pawl

2. *Buhlien a umdingte/ Buhneu a um dingten a buh uh ahing zuonta uhi.*

- a) Buhlien a um dingte,
akhente'n Aji atate toh
hoitah khatin um in,
Huon sung a haichite,
anese thei dingte vengbit
in, leihoi pieh ngaite pie
in, tuibuoh ngaite abuoh
uhi. A panpi tuten zong
apanpi mama uhi.

b) Akhente, ama maimai
akuon a, ava gieh ua, huon
sung a haichite en manlou
in, mihuon a haichite
abuoipi uhi.

c) A khente, achang chang
in Buh ah ava gieh a,
atamzaw mi buh ah agieh
zel hi.

d) A khente Buhlien a zong
giehlou, Buhneu a zong
gieh lou in aki sumam
sitset uhi.

Lenglien thupieh ahileh,
Buhlien a, hakhat in ni
10 Buh neu ah Hakhat
in ni 20 sung huon a
haichite a enkawl/akep
ding ahi. Apanpi tute toh
amawpuohna uh ahi.

e) Buhneu a umte zong
Buhlien a umte dandan in
aum chiet uhi.

3. *Huon haichi aga hun hing tung ta*

a) Namchin a Huon kibawl
zousie ahing ga ta a, dai
hoi bawlte, buhlien leh
buhneu aumte, ahaichite
ahoi ga mama a, akhen

te 100 akhen, aza ah 60
akhen aza ah 30 in aga khe
lilieh uhi.

b) Namchin a Huon hoibawl
sim simte, daibawlhoy
simte, Buhlien a um
zel umlou zel, Buhneu
a 50% a um zel te zong
ahing ga ningneng sam a,
akhen a 50, akhen aza 30,
akhen azah 15 in aga khe
hamham uhi.

c) Namchin lamkai ten,
daibawl bawl lou,
singkang dai a bawl,
buhlien, buhneu a gieh
lou, haichite apou la
umlou, aga mu ding khat
zong a um sih hi. (Lk.
21:19).

Tuachiin Leeng lienpen
thugen bang in. Huan
bawl ten, abawl utloute
kungah thugendan uh
tambang ahi:-

1. Huon hoi bawl:

Huon hoitan bawl un,
kou zong ka bawl uleh ga
lilia mai, hing en unlen,
hing mu mawngmawng

un achia, tuachiin huon
bawl utlou te'n amu un,
athanuam tha mama ua,
Leeng lienpen pa Huan
vangen in, abawl ta ua,
Huan hoibawlte a bang in,
amauh Huan zong ahing
gakhie hi.

2. Huon hoisim, hoilou sim

abawl: Huan ahoi theitop
in bawl un, kou zong ka
bawl ua, na tahsan lou
uleh hing en un achi ua,
Huan bawl utlou te'n,
ahuan uh ava et uleh ga
simsam, bawl thop ding
ade aw! akimang kha de
aw chi'n alungkham sieng
ta ua, Leng lienpa kungah
huan va ngen vai...eh
ngetda mai vai!....Kihilna
3:15. Abuoi siengta uhi.

Huon nei in bawllou

Pei ua, Leng lienpen
kungah vapei vai in,
huon bawl ding ka chi
uleh, nitha tawmseng, koi
akivah zou diei? va chi va
ui, mi huan bawl utloute
kung ah, huan bawl un,

vachi lei lah, eiten lah huan bawllou ibawl lou vang a, i thaman kilah veve, eite achethei chilou koite a ta diei? abawl thei Leng lienpa ahing pei chieng in, alungthah leh tulai khawvel angaina akhu chisan ding himai achita uhi.

Leng lien penpen huon en in hing pei

- (a) Tuachiin Lengpa hing pei, ahuon ahing en a, alangkhat a et leh huon a theiga te amu in akipah mama a, nou ka thupieh zuite aw, lei a Gou zousie kei a ahia, na nget zousie uh ka hing pe ding a, na nget loute uh zong na poimawte leh ka hing pieh belap ding hi. Tua leh na huon min uh zong ka deidan in, “Chi chin namchin huon” na hisah zieh un, na khang uh ka guolzawl ding a, na tahsa uh shivan in, na hagau

uh ashi non sih ding chi etsahna in “Kumtawnpah” hing ki lah un achia, ape ta hi.

- (b) Lengpan, a huon ninglam a et leh theigate amu leh, agate amin la bang, ahoila bang huon kibawl ta hi. Alahlaw in amu in, alung thah mama a, ka huon na hoi bawl leh bawl inlen, na bawllou uhleh bawlda vet un. Noute ka gam a pat in potkhia un, tuanah lungkhamna mangbatna leh kumtawn a shina gam a peita un achi a, asawl mangta hi.
- (c) Lengpan akineppi mama phaijawl leihoi na mun a enphei leh Sign Board kitah amu a, Sing Board ah “Ka pu kapate huon” chi leh “Kou namte huon” chi amu a, alung athah mama a, nou daibawlte Nou buhlien leh Buhneu a umte leh apanpitute, nabawl uh umsun, ka huon sung ah bang Sign Board na tah uh, Buh la

umlou, daila bawl lou,
haichite et ding umlou,
huon bawl utloute, huon
bawl ding bang na va chi
gen ding, 'Kaina' bang
in ka hing chiemte ding
a, ahoi umsunte, ahinna
uh ka la ding a, na tate
uh khang kiphasam ahi
ding ua, na damsung un,
kituohlouna, na namsung
uh guol ka zawl tading hi.
Na shi ding ua, tahsa leh na
hagau uh ashi sieng ding
hi. Thamlou in, sil nempi
ka hing supung ding hi.
ka huon na suhthelthang
ziehun.

1. Na huon zong enkol
peilou in, huon a haichite
na kigutuo ding uhi.
2. Na lamkaite uh kaki
melma sah ding hi.
3. Ka piehsa gam suon a pa
leh nu leh nungah tangval
ka supung ding hi.
4. Ka huon a nasem hingal
ama metna ding sui in,
huon chinteng a taikuol.....

ding mi, siempute,
sangsyete, semtu zousie
ka supung ding hi.

5. Hattuom Upa gin umlou,
akitel dan zong dihloou ka
supung hulhul ding hi.
6. Lamkai lien ding, migilou
leh genbang na ding, dim
vawtte ka hing pe ding a,
apung hat mama ding hi.
7. Na khanglaite, nupite,
amaivun uh ka sukhau
ding a, amauh tuoh lou
a, mi tuoh ding sui ka
supung ding hi.

Tam khu suhpungna nasep
sagihte ahi. (Exo. 8:6,17; 9:6,22;
10:13,22; 11:5). Tuin hun khat
hing penalai vangin, na kisie
leh, keilam na hing ngat kia leh
"Keima napa uh hitavang in,
noute pen katapa, ka lawmte
na hita ding uhi. (II Kor. 6:18).
Simtute zousie Pasian lam
akinuahei (Pisemul) dingin
Mangpa'n hing guol zawlta hen.

ZPWF REPORT

22nd March to 21st April, 2016 tan a Tunnu Limbel panpina pete tam anei abang a tahlat ahi.

1. Sye Sienminlien, P. Salem	Rs.	200
2. Nu Ngaizachin, Zomi Colony	Rs.	100
3. Nu Dimneiching, Zoveng	Rs.	500
4. Pa H. Kapneithang & Family, Zoveng	Rs.	2,220
5. Nu Chiinneihoi, Sugnu	Rs.	100
6. PWF Thingkangphai	Rs.	1,270
7. PWF Thingkangphai, Tour tholom,	Rs.	446
8. PWF Tongdam	Rs.	2,170
9. PWF Tongdam, Tour tholom,	Rs.	559
10. Nh. Nemzavah, Sabual	Rs.	100
11. PWF Behiangjang, Anntangtaang	Rs.	480
12. Pa Khamzalian & Family, Aina (Mai-tam)	Rs.	200
13. Upa Dr. M. Lachinkhai & Family of Lailam Veng	Rs.	2,000
14. Mrs. Flora Hatnu, UK	Rs.	32,000
15. PWF LDCC, Hiangzou Tunnu Limbel panpina	Rs.	1,000
16. Nu P. Niangngaiching & Family of Zomi Colony: Puannah, toka		
17. PWF Central Church : Anntang 126 kg leh asum in	Rs.	480
18. Nu Esther Chingneikim, D/o Upa Dr. M. Lachinkhai of Lailam Veng in		
i) Alu-1bag ii) Dal-4kg iii) Dyna sabon-6 packets		

Petu tengteng Mangpa'n hing guolzawl taken!

**ZPWF SEMINAR KHAWMPI 2016(SUGNU)
TUNNU LIMBEL GINNA THUCHIEM LIST**

Tu-le-tu apete (Sutzupna)

46. Pi Niangzalam, Tuibuang	Rs.	200
47. Goizamuang, Zomi Colony	Rs.	100
48. Nu P. Niangngaiching, Zomi Colony	Rs.	200
49. Nu Zamkhenching, Colony Central	Rs.	100
50. Chingzahoi, P.Salem	Rs.	50
51. Nu Mansuonnieng, P. Salem	Rs.	30
52. Nu Hoineiching, P. Salem	Rs.	20
53. Veikholam, P. Salem	Rs.	50
54. Sianminlien, P. Salem	Rs.	100
55. Vunggenmang, Saiboh	Rs.	100
56. Chinghoiniang, P.N Khovong	Rs.	50
57. Chiinhoiniang, Sangaikot	Rs.	20
58. Tinhath, Gangpimuol	Rs.	50
59. Chiindeikim, Kanan Veng	Rs.	50
60. Kholneiching, Sangaikot	Rs.	50
61. Nu Tinneithem, Tuibuang	Rs.	100
62. Nu Joicy, Muollum	Rs.	100
63. Nu Ngaisuanaching, Lailam Veng	Rs.	100
64. Nu Chiinsianngai, Lailam Veng	Rs.	100
65. T. Ginkhanpau, Sugnu	Rs.	10
66. Chingbawi, Chingmang khuo	Rs.	100
67. Thangpu, Zomi Colony	Rs.	100

2016 | May | Khristian Tangkou

68. Upanu Hatkhoniang Moreh W/No. 1	Rs.	1,000
69. Chingngainuam, Sugnu	Rs.	20
70. Nu Manniang, Lailam Veng	Rs.	50
71. Nu Nianzachin, Tuibuang	Rs.	100
72. Manpi	Rs.	100
73. Chiinkhanman, Tuibuang	Rs.	50
74. Sianmuanching, Lailam Veng	Rs.	50
75. Chiinhauching, Muollum	Rs.	20
76. Haungaiching, Behiang(H)	Rs.	100
77. Upanu Chingneiniang, P. N Khovong	Rs.	50
78. Nu Chingzanuam, Daijang	Rs.	20
79. Nu Niangdeiching, Sangaikot	Rs.	20
80. Nu Nianghauvung, Moreh W/No.2	Rs.	100
81. Chinghoiniang, Sangaikot	Rs.	20
82. Niangdeihkim, Lailam Veng	Rs.	100
83. Nuamngaichiin, Behiang(H)	Rs.	50
84. K. Mangpu, Sangaikot	Rs.	50
85. Nu Khola, D. Phailian	Rs.	50

Sutzop ding.....

Adihlou a umleh Office a suhdih ding ahi.

.....

Suunna



Phamsa Upa Awnkholal

Bio-data

- | | |
|--------------------------|--|
| 01. Min | : Upa Awnkholal |
| 02. Pamin | : (L) Pu Awnzagin |
| 03. Numin | : (L) Pi Niengkhozam |
| 04. Pienni | : October 25, 1946 |
| 05. Pienna khuo | : Aina Village |
| 06. Tu leh tu a umna | : Aina Village |
| 07. Koppi min | : Pi Zouzanieng |
| 08. Kitenni | : April 23, 1966 |
| 09. Gawmtu | : Rev. Mangdal |
| 10. Khristiana kipieh ni | : 1952 |
| 11. Pienthani | : January 16, 1981 |
| 12. Baptisma tanni | : March 31, 1958 |
| 13. Tangsahtu | : Pastor Lamzakhai (MCO) |
| 14. Tanna khuo | : Aina Village |
| 15. Laisiemna | : Neilou |
| 16. Nehsuina | : Post Master |
| 17. Ta nei zat | : Pasal 2, leh Numei 4 |
| 18. Ordination tanni | : February 03, 1985 |
| 19. Ordainna mun | : Central Church (MGP) |
| 20. Ordain tu | : Rev. L. Taithul (Moderator)
42nd Session of (MGP) |
| 21. Ordain hina khuo | : Presbyterian Church, Aina |

Akizahnate:

Kum 1965 apat 1984 tan Hattuum ah Local Church Committee ana hiden a, ashinitan in zong tami mawpuohna ana tuden hi. Tuamai hilou in Khanglai lam zong ana puoh khawm hun bang ana um hi. Kum 1985 apat 2001 tan Hattuum ah Local Chairman ana hiden hi. Kum 1960 apat Pasian sumpi Sawm-a-khat ana pepan tahi. Upa Ordain ahi apat in Standing member in kum 3 chilou member in ana pang den a, tualeh Branch tuomtuom Mission board committee ah zong member poimaw mama khat ahi. Adiehin Missionary nasepna ahiphot leh ama lunglutna leh ama tuupi ahi mai hi. Kum 2005 in Lentang District ah Chairman in ana pang hi. Kum 2008 in Lentang District ma ah Chairman in ana pang kia a, District kikhen kum ahi ziehin kum 2009 tan ana pawkhawm hi. Kum 2008 apat Synod Executive Committee member in 2010 tan ana pang hi. A hinna in Pasian nasep a lunglut mama a, annneh sangin zong a tuupi zaw hi. Synod Pastoral Committee ah zong ana pang hi. Pasian nnasep ahi phot leh a chimtah sih a, vaihawmna nasep hileh thu nasep hileh a ponthaw mama hi. Ahun nukhia pen dingin apeisa April 03, 2016 niin Aina Hattuum ah ama sepban sem dingin Upa (Belampu) ding telna ah tel in hinanleh vangsiet huoi tah in lawsam uhi. Bangteng hileh khovel ikhuolzinna gam mai ahina toh damnuom mama nanleizong Pasian phasah non lou ahita dinga, apeisa April 05, 2016 niin etkawl man lou in lamkal ah nitah lang nai 3:30pm vel in khovel akhuolzinna hun zang zou in a it a ngaiteng nuasie in thupina gam a hing zot san tahi. Tam i Khristian tangkou tungtawn in i iit thu leh i suun thu ipuong uhi.

Mangpa'n aji, atate hamuon in umpi zingta hen.

.....

.....

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. Retd. V. Vungzalan	20. Rev. Retd. Kamkhosoi
21. Rev. Tualzachin	22. Rev. (Retd.) H. Nengzatun	23. Rev. Awinkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zekhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhanienng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. Upa Ngulzakhai	96. (L) Upa T. Gougim
97. Pu Ginsuanhau	98. Pu L. Langminthang	99. Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuanching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. Mangsuanthang	115. (L) Pu Lamchinhou	116. Upa Pauchinlel
117. Kimneihei	118. Pu Kamgenpau	119. Nh. Niangsuannuam	120. Nu Ngaikhanvung
121. P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang		

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau		

Undelivered
Please return to:

The Editor
CHRISTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail: zpcs@rediffmail.com / zousynod05@gmail.com

7a,